



Kedah
Malaysia
where it all began

كردان نوري قديح بذا الامتسان

KERAJAAN NEGERI KEDAH DARUL AMAN
PEJABAT KEWANGAN DAN PERBENDAHARAAN
NEGERI KEDAH DARUL AMAN
ARAS 3, BLOK E, WISMA DARUL AMAN
05503 ALOR SETAR, KEDAH DARUL AMAN

Telefon : 04-774 4000/ 04-774 4010
Faks : 04-774 4578/ 04-733 0910
04-774 4643/ 04-733 8717
E-mail : pbnk@kedah.gov.my

Ruj Tuan :
Ruj Kami : (f) dlm. P.Kw.N.(K)1521 Jld. 3
Tarikh : 24 Rabiul Akhir 1440
o 1 Januari 2019

**Semua Pegawai Pengawal
Jabatan Kerajaan Negeri**

YB. Dato'/YAA Dato'/Y.Bhg. Dato'/Tuan/Puan,

**PEKELILING PERBENDAHARAAN NEGERI KEDAH DARUL AMAN BIL. 1
TAHUN 2019**

Garis Panduan Perbelanjaan Di Bawah Bajet 2019

Adalah dengan hormatnya dimaklumkan bahawa Kerajaan Negeri Kedah telah mengariskan panduan kepada Pegawai Pengawal dalam menguruskan peruntukan dan perbelanjaan yang telah diluluskan di bawah Bajet 2019.

2. Sehubungan dengan itu, bersama-sama ini disertakan **Pekeliling Perbendaharaan Negeri Kedah Darul Aman Bil. 1 Tahun 2019** yang mengandungi beberapa langkah dan garis panduan melibatkan pengurusan kewangan jabatan yang perlu dipatuhi dan dijadikan panduan oleh pihak YB. Dato'/YAA Dato'/Y.Bhg./Dato'/Tuan/Puan.

Sekian, terima kasih.

"BERKHIDMAT UNTUK NEGARA"

"KEDAH AMAN MAKMUR - HARAPAN BERSAMA MAKMURKAN KEDAH"

Saya yang menjalankan amanah,

(~~NOR AZMAN BIN NORDIN, AMK., BCK.~~)

Timbalan Pegawai Kewangan
b.p. Pegawai Kewangan Negeri
Kedah Darul Aman

s.k. Yang Berhormat Dato' Setiausaha Kerajaan Negeri Kedah
Yang Berhormat Pegawai Kewangan Negeri Kedah
Bendahari Negeri Kedah
Pengarah Jabatan Audit Negeri Kedah





Bil.(1)d/m.P.Kw.N(K)1521 JLD. 3

**PEKELILING PERBENDAHARAAN NEGERI KEDAH DARUL AMAN
BIL. 1 TAHUN 2019**

**SEMUA PEGAWAI PENGAWAL
NEGERI KEDAH DARUL AMAN**

GARIS PANDUAN PERBELANJAAN DI BAWAH BAJET 2019

1.0 TUJUAN

- 1.1 Tujuan pekeling ini adalah untuk memberi panduan kepada Pegawai Pengawal dalam mengurus peruntukan dan perbelanjaan yang diluluskan di bawah Bajet 2019.

2.0 ANGGARAN PERBELANJAAN MENGURUS

- 2.1 Kebenaran telah diberi melalui **Waran Am Bil. 1 Tahun 2019** bertarikh **01 Januari 2019** mengikut subseksyen (2) dan (3) seksyen 13 Akta Prosedur Kewangan 1957, bagi pengeluaran wang sebanyak **RM767,779,395.00** daripada Kumpulan Wang Disatukan untuk membiayai perbelanjaan berikut:-
- i) Jumlah sebanyak **RM75,321,981.00** sebagai wang yang dikehendaki untuk perbelanjaan yang ditanggungkan ke atas Kumpulan Wang Disatukan; dan
 - ii) Jumlah sebanyak **RM692,457,414.00** sebagai wang yang dikehendaki untuk perbelanjaan yang diluluskan oleh Enakmen Peruntukan 2019.
- 2.2 Selaras dengan amalan Sistem Belanjawan Diubahsuai, Pegawai Pengawal berdasarkan bidang kuasanya adalah dibenarkan membuat perbelanjaan seperti yang diluluskan dalam Anggaran Perbelanjaan Mengurus sebagaimana yang dinyatakan dalam Buku Belanjawan Tahun 2019 dan Waran Peruntukan.
- 2.3 Pegawai pengawal hendaklah merancang dengan teliti pelaksanaan program dan urusan perolehan mulai awal tahun kewangan bagi memastikan perbelanjaan dibuat secara optimum disamping mengelakkan perolehan yang tidak dirancang pada akhir tahun kewangan. Adalah menjadi tanggungjawab sepenuhnya Pegawai Pengawal bagi memastikan jabatan masing-masing sentiasa mematuhi tatacara pengurusan kewangan dan peraturan-peraturan kewangan yang berkuatkuasa.

3.0 ANGGARAN PERBELANJAAN PEMBANGUNAN

- 3.1 Kebenaran telah diberi melalui **Waran Pembangunan Bil. 1 Tahun 2019 bertarikh 01 Januari 2019** mengikut seksyen 8, Akta Kumpulan Wang Pembangunan 1966 bagi pengeluaran wang berjumlah **RM194,378,150.00** daripada Kumpulan Wang Pembangunan yang dikehendaki untuk membiayai perbelanjaan bagi Butiran-butiran di bawah Maksud-maksud yang dinyatakan dalam Anggaran Perbelanjaan Pembangunan 2019.

4.0 ANGGARAN PERBELANJAAN PEMBANGUNAN BEKALAN AIR

- 4.1 Kebenaran telah diberi melalui **Waran Am Bil. 1 Tahun 2019 bertarikh 01 Januari 2019** mengikut subseksyen (2) dan (3) seksyen 13 Akta Prosedur Kewangan 1957, bagi pengeluaran wang sebanyak **RM158,345,385.00** daripada Kumpulan Wang Disatukan untuk membiayai perbelanjaan bagi Butiran-butiran di bawah Maksud-maksud yang dinyatakan dalam Anggaran Perbelanjaan Pembangunan Bekalan Air 2019.

5.0 KAWALAN PERBELANJAAN

- 5.1 Pegawai Pengawal adalah **bertanggungjawab dan mempunyai akauntabiliti sepenuhnya** kepada pengurusan kewangan dan akaun di Jabatannya. Pegawai pengawal hendaklah memastikan perbelanjaan awam dibuat dengan berhemat mengikut keutamaan berdasarkan jumlah peruntukan yang diluluskan.
- 5.2 Peruntukan yang disediakan bagi sesuatu Maksud Bekalan adalah siling perbelanjaan mengurus bagi tahun 2019. Sebarang perubahan perancangan dan perbelanjaan Jabatan hendaklah ditanggung menggunakan peruntukan sedia ada yang telah diluluskan tanpa peruntukan tambahan.
- 5.3 Bagi tanggungan tahun lalu yang belum dijelaskan atau pelaksanaan sesuatu keputusan baru, perbelanjaan hendaklah menggunakan peruntukan tahun semasa atau dilakukan secara "*trade-off*" dengan Dasar Sedia Ada; kecuali bagi dasar atau keputusan baru yang diputuskan oleh Majlis Mesyuarat Kerajaan Negeri. Sebarang permohonan peruntukan tambahan tidak akan dipertimbangkan melainkan dalam keadaan tertentu yang mendesak.
- 5.4 Pegawai Pengawal adalah **dilarang** sama sekali **berbelanja tanpa peruntukan**. Ini adalah menyalahi daripada peraturan kewangan dan menjejaskan kredibiliti Pegawai Pengawal dalam pengurusan kewangan. Pegawai pengawal diingatkan supaya menjalankan tugas dan tanggungjawab seperti mana yang dijelaskan di bawah Seksyen 15A Akta Prosedur Kewangan 1957 dalam pengurusan perbelanjaan. Pegawai pengawal hendaklah mematuhi semua peraturan kewangan yang berkuatkuasa dan mengambil tindakan tegas terhadap penjawat awam yang melakukan kesalahan seperti yang dinyatakan di bawah seksyen 18 Akta Prosedur Kewangan 1957.
- 5.5 Sekiranya suatu kelulusan itu diperlukan, Pegawai Pengawal hendaklah memastikan ianya diperolehi **sebelum** komitmen perbelanjaan dilakukan. Tindakan surcaj boleh diambil kepada pegawai-pegawai yang tidak mematuhi arahan ini selaras dengan peraturan sedia ada.

- 5.6 Dari segi penyelenggaraan dan pengurusan akaun, Pegawai Pengawal perlulah melaksanakan **penyelenggaraan dan penyesuaian Buku Vot** secara berkomputer dengan menggunakan pakej 1SPEKS dengan cekap dan berkesan. Penyelenggaraan rekod yang kemaskini, maklumat yang teratur serta sistem laporan yang tersusun sahaja dapat membantu Pegawai Pengawal mengurus kewangan dan akaun Jabatan dengan cekap dan berkesan.
- 5.7 Pegawai Pengawal juga perlu mewujudkan **Jawatankuasa Pengurusan Kewangan dan Akaun** di peringkat jabatan masing-masing dan memenuhi arahan-arahan berkenaan sepertimana kehendak **Pekeliling Perbendaharaan PS 5.1** Garis Panduan Pelaksanaan Jawatankuasa Pengurusan Kewangan Dan Akaun.

6.0 TATACARA PERBELANJAAN

- 6.1 Melalui peruntukan yang diluluskan mengikut Vot Tanggungan (T) dan Bekalan (B) sebagaimana yang dinyatakan dalam di dalam **Buku Belanjawan Tahun 2019** dan **Waran Peruntukan**, perbelanjaan hendaklah berasaskan kepada jumlah peruntukan yang diluluskan sahaja.
- 6.2 Bagi perbelanjaan Peruntukan Mengurus;
- i) Pegawai pengawal adalah dibenarkan melaksanakan urusan perolehan tahun 2019 bagi bekalan dan perkhidmatan tidak melebihi **RM50,000.00** tertakluk kepada peraturan **1PP PK2.1**. Bagi had nilai perolehan melebihi **RM50,000.00** hendaklah mendapatkan perakuan dan kelulusan Pegawai Kewangan Negeri terlebih dahulu bagi tujuan pemantauan.
 - ii) Perolehan secara rundingan terus adalah tidak digalakkan dan sekiranya benar-benar perlu, permohonan hendaklah dikemukakan kepada Pegawai Kewangan Negeri untuk pertimbangan sebelum urusan perolehan dimulakan oleh Jabatan.
 - iii) Sebarang perubahan kepada Perkara dan Jumlah Dasar Baru/One Off **yang telah diluluskan adalah tidak dibenarkan kecuali** dengan kelulusan Y.B. Pegawai Kewangan Negeri.
 - iv) Sebarang pindah peruntukan dari atau kepada peruntukan Dasar Baru/One Off **yang telah diluluskan adalah tidak dibenarkan kecuali** dengan kelulusan Y.B. Pegawai Kewangan Negeri.
 - v) Dasar Baru/One Off **yang tidak dibelanjakan pada tahun berkenaan tanpa sebab-sebab yang munasabah, tidak boleh dipohon semula** dalam bajet tahun berikutnya.
 - vi) Semua perbelanjaan bagi perolehan aset hendaklah dibelanjakan mengikut kategori aset yang diluluskan. Sebarang perubahan atau pertukaran aset perlu mendapat **kelulusan Y.B Pegawai Kewangan Negeri**. Bagi pembelian aset melebihi amaun **RM20,000.00** hendaklah memohon **kelulusan Y.B Pegawai Kewangan Negeri menggunakan Borang PKN 1/90** sebelum pembelian dilaksanakan.

6.3 Peruntukan-peruntukan berikut adalah selaras dan diletak dibawah Kepala **B.05 - Pelbagai Perkhidmatan** dan dikawal oleh Y.B. Setiausaha Kerajaan Negeri iaitu :

- i) **Emolumen kepada kakitangan sementara;**
- ii) **Bayaran Gantian Cuti Rehat (GCR);**

Jabatan yang memerlukan peruntukan bagi maksud perbelanjaan seperti di atas perlulah memohon kepada Pejabat Setiausaha Kerajaan Negeri. Satu salinan perlulah dihantar kepada Unit Belanjawan Pejabat Kewangan dan Perbendaharaan Negeri untuk tujuan pemantauan.

6.4 Bagi Perbelanjaan Peruntukan Pembangunan/ Bekalan Air:

- i) Bagi tujuan pemantauan dan kawalan aliran tunai Kerajaan, Pegawai Pengawal dikehendaki mengemaskini dan mengesahkan **unjuran anggaran keperluan aliran tunai** Jabatan masing-masing bagi Maksud Perbelanjaan Pembangunan Tahun 2019 seperti format **Lampiran A** mengikut keutamaan dan dikemukakan untuk kelulusan Y.B Pegawai Kewangan Negeri **sebelum** memulakan projek/ program pembangunan Jabatan.
- ii) Pegawai Pengawal adalah dibenarkan membuat perbelanjaan seperti yang diluluskan dalam Anggaran itu, **melainkan dari butiran di bawah ruangan "Pinjaman"** yang memerlukan kelulusan Perbendaharaan Negeri terlebih dahulu mengikut peraturan-peraturan yang ditetapkan dalam Pekeliling Perbendaharaan P.A 1.1 Peraturan Bagi Membelanjakan Peruntukan Pinjaman Di Bawah Anggaran Perbelanjaan Pembangunan sebelum wang pinjaman itu dikeluarkan.
- iii) Pegawai pengawal adalah diingatkan bahawa jumlah perbelanjaan ke atas sesuatu Maksud atau Butiran tidak boleh melebihi jumlah yang diperuntukan bagi maksud dan butiran itu mengikut ruangan "**Negeri**" dan ruangan "**Pinjaman**" dalam Anggaran Perbelanjaan Pembangunan 2019. **Jumlah yang dikeluarkan bagi setiap maksud atau butiran pada setiap masa tidak boleh melebihi jumlah anggaran harga projek** seperti yang tercatat di bawah ruangan "**(RMK-11)**" kecuali dengan kelulusan Y.B Pegawai Kewangan Negeri.
- iv) Dalam Anggaran Pembangunan 2019, terdapat beberapa kod perbelanjaan bagi projek di bawah **Peruntukan Tahap Pembangunan Ekonomi, Infrastruktur dan Kesejahteraan Hidup (TAHAP)** yang diletakkan di bawah jabatan tertentu. Projek TAHAP yang hendak dilaksanakan perlulah disemak terlebih dahulu supaya **memenuhi kriteria projek TAHAP** yang ditetapkan.
- v) Pegawai Pengawal yang melaksanakan **projek TAHAP** juga hendaklah memastikan supaya peruntukan yang diluluskan di bawah peruntukan tersebut **dibelanjakan sepenuhnya** bagi tujuan membuat tuntutan balik daripada Kerajaan Persekutuan di bawah Pemberian Projek TAHAP.

- vi) Pegawai Pengawal yang melaksanakan **projek TAHAP** dikehendaki mengemukakan kepada Pejabat Kewangan dan Perbendaharaan Negeri, laporan $\frac{3}{4}$ tahun (*Januari - September*) prestasi fizikal dan perbelanjaan projek TAHAP **sebelum tarikh 15 Oktober, 2019** iaitu dengan menggunakan Format **PKwNK2/2007 (TAHAP)**. Pejabat Timbalan Setiausaha Kerajaan (Pembangunan), Pejabat Setiausaha Kerajaan adalah dipinta **memastikan semua Pihak Berkuasa Kerajaan Tempatan (PBT) yang berkaitan, mengemukakan laporan yang sama kepada Pejabat Kewangan dan Perbendaharaan Negeri pada tempoh yang telah ditetapkan.**
- vii) Pejabat Timbalan Setiausaha Kerajaan (Pembangunan), Pejabat Setiausaha Kerajaan juga dikehendaki memantau semua projek pembangunan yang dilaksanakan oleh PBT samada melalui peruntukan TAHAP atau pun peruntukan Kerajaan Negeri. Arahan-arahan yang dikeluarkan di bawah perkara 6.4 (i) hingga 7.4 (vi) di atas **hendaklah dipanjangkan kepada semua PBT supaya dipatuhi.**
- viii) Pejabat Timbalan Setiausaha Kerajaan (Pembangunan), Pejabat Setiausaha Kerajaan perlulah bertindak sebagai **agen penyelar** ke atas pelaksanaan projek-projek pembangunan yang dilaksanakan oleh Jabatan-jabatan negeri. **Pemantauan perlulah dibuat bagi setiap $\frac{1}{4}$, $\frac{1}{2}$, $\frac{3}{4}$ dan $\frac{4}{4}$ tahun** oleh sebuah Jawatankuasa Penyelaras Pelaksanaan Projek pembangunan. Wakil daripada Pejabat Kewangan dan Perbendaharaan Negeri hendaklah juga disenaraikan sebagai Penyelaras bersama dalam jawatankuasa tersebut.
- ix) Pegawai Pengawal hendaklah **memantau pelaksanaan projek pembangunan** dengan rapi supaya dapat dilaksanakan mengikut jadual. Pegawai Pengawal juga perlu mengambil perhatian mengenai keperluan **mengemaskini maklumat projek pembangunan melalui Sistem Pemantauan yang berkesan** dari masa ke semasa.

6.5 Perbelanjaan Kod 40000 - dibawah Peruntukan B.05 - Pelbagai Perkhidmatan:

- i) Perbelanjaan bagi maksud **pemberian/bantuan** dibuat secara berperingkat dan berdasarkan kepada keperluan sebenar.
- ii) Kebenaran pemberian/bantuan dan perubahan kepada jumlah pemberian/bantuan kepada Agensi Kerajaan Negeri perlulah mendapat **kelulusan** daripada Y.B. **Pegawai Kewangan Negeri.**
- iii) Setiap permohonan pemberian/bantuan hendaklah disertakan laporan perbelanjaan dan penyata kewangan semasa. Setiap perbelanjaan pihak yang menerima pemberian/bantuan ini adalah tertakluk kepada pematuhan ke atas Arahan Perbendaharaan, Pekeliling Perbendaharaan dan Surat Pekeliling Perbendaharaan serta lain-lain peraturan berkaitan yang berkuatkuasa masa ini.
- iv) Pihak Setiausaha Kerajaan Negeri sebagai Pegawai Pengawal hendaklah sentiasa memantau perbelanjaan jabatan/badan/agensi yang menerima pemberian/bantuan dan arahan ini hendaklah dipanjangkan kepada semua jabatan/badan/agensi yang berkaitan.

7.0 PINDAH PERUNTUKAN

7.1 Seksyen 15(4) Akta Tatacara Kewangan 1957 membenarkan pemindahan peruntukan dari Objek Am, Aktiviti dan Program yang mempunyai lebih kepada Objek Am, Aktiviti dan Program yang berkurangan melalui waran pindahan peruntukan (virement).

7.2 Kuasa bagi pindah peruntukan adalah ditetapkan seperti di jadual berikut:-

Perkara	Kuasa Melulus
i) Pindah Peruntukan bagi Objek Am 10000	Y.B. Pegawai Kewangan Negeri
ii) Pindah peruntukan di antara Objek Am yang lain (OA 20000, 30000, 40000 dan 50000) a) Amaun sehingga RM30,000.00 b) Amaun melebihi RM30,000.00	Pegawai Pengawal Y.B. Pegawai Kewangan Negeri
iii) Pindah Peruntukan Pembangunan	Y.B. Pegawai Kewangan Negeri

7.3 Peraturan pindah peruntukan Perbelanjaan Mengurus :

- i) Semua borang pindah peruntukan samada yang diluluskan oleh jabatan atau memerlukan kelulusan Y.B. Pegawai Kewangan Negeri mestilah **ditandatangani** oleh **Pegawai Pengawal** atau bagi pihaknya oleh Pegawai bawahannya yang telah diberi kebenaran secara bertulis olehnya dibawah Seksyen 15A(2) Akta Tatacara Kewangan 1957. Satu salinan surat kebenaran perlu dikemukakan bersama permohonan.
- ii) Pindah peruntukan yang dilulus di bawah kuasa Pegawai Pengawal hendaklah dihantar kepada Y.B Pegawai Kewangan Negeri untuk disemak dan diluluskan di bawah sistem 1SPEKS.
- iii) Pindah Peruntukan yang melibatkan peruntukan **Dasar Baru** dan **One-Off** adalah **tidak dibenarkan** kecuali dengan kelulusan Y.B. Pegawai Kewangan Negeri.
- iv) Pegawai Pengawal perlu membuat perancangan dengan teliti agar tidak berlaku kekerapan pindah peruntukan dan mengelakkan berlakunya aktiviti memecahkecil pindah peruntukan pada program/ aktiviti yang sama berdasarkan had kelulusan Pegawai pengawal.
- v) Walaupun Pegawai Pengawal diberi kuasa membuat pindah peruntukan seperti para 7.2 (ii) (a) di atas, Pegawai Kewangan Negeri boleh mengenakan syarat kawalan tertentu kepada mana-mana butiran peruntukan jika didapati perlu.

7.4 Peraturan pindah peruntukan Perbelanjaan Pembangunan:

- i) Permohonan pindah peruntukan hendaklah ditandatangani oleh Pegawai Pengawal sahaja.
- ii) Pindah peruntukan daripada butiran yang dibiayai melalui cara langsung kepada butiran yang dibiayai melalui pinjaman atau sebaliknya adalah tidak dibenarkan.

7.5 Semua permohonan Pindah Peruntukan boleh dibuat mulai **01hb. Jun 2019** menggunakan borang yang telah ditetapkan.

8.0 PEMAKAIAN

8.1 Pekeliling ini berkuatkuasa mulai 01 Januari 2019 sehingga 31 Disember 2019 dan hendaklah dibaca bersekali dengan Akta Tatacara Kewangan 1951, Arahan Perbendaharaan, 1Pekeliling Perbendaharaan dan semua surat Pekeliling Perbendaraan serta lain-lain arahan yang berkuatkuasa.

8.2 Semua Pegawai Pengawal adalah bertanggungjawab sepenuhnya ke atas segala perbelanjaan wang awam yang dibuat oleh Jabatannya. Sebarang ketidakpatuhan terhadap mana-mana peraturan yang berkuatkuasa boleh dikenakan tindakan surcaj atau tatatertib terhadap pegawai berkenaan.

8.3 Pegawai pengawal adalah diminta memberi perhatian yang serius terhadap pengurusan kewangan jabatan masing-masing serta memastikan teguran yang dibangkitkan dalam Laporan Ketua Audit Negara diambil tindakan sewajarnya dan tidak berulang.

Sekian.

"BERKHIDMAT UNTUK NEGARA"

"KEDAH AMAN MAKMUR - HARAPAN BERSAMA MAKMURKAN KEDAH"

Saya yang menjalankan amanah,



(TUAN HAJI ISAHAK BIN MURAT, SDK., AMK., BCK.)

PEGAWAI KEWANGAN NEGERI
KEDAH DARUL AMAN

Tarikh: **01 JAN 2019**

s.k. Yang Berhormat Dato' Setiausaha Kerajaan Negeri Kedah Darul Aman.

Timbalan Pegawai Kewangan Negeri Kedah

Bendahari Negeri Kedah Darul Aman.

Pengarah Jabatan Audit Negeri

Fail P.Kw.N(K)0223/2019